



Broj: 16-12-16-5829- *9* /21
I. Sarajevo, *26.08* 2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 69. stav (2) tačka e) i člana 70. st. (1), (2), (4) i (6) Zakona o javnim nabavkama („Službeni glasnik BiH“, broj 39/14), na preporuku Komisije za nabavke za potrebe Državne agencije za istrage i zaštitu u 2021. godini broj 16-12-16-5829/21 od 31.08.2021. godine, u postupku javne nabavke usluga održavanja AMLS sistema za sprečavanje pranja novca za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o poništenju postupka javne nabavke usluga održavanja AMLS sistema za sprečavanje pranja novca za potrebe Državne agencije za istrage i zaštitu

Član 1.

Poništava se postupak javne nabavke usluga održavanja AMLS sistema za sprečavanje pranja novca za potrebe Državne agencije za istrage i zaštitu (u daljem tekstu: Agencija), za koji je obavještenje o javnoj nabavci objavljeno na Portalu javnih nabavki broj 1161-7-2-210-3-68/21 od 13.08.2021. godine, iz razloga što je cijena prihvatljive ponude znatno veća od osiguranih sredstava za predmetnu nabavku.

Član 2.

Ova odluka se ponuđaču dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-5829-1/21 od 11.08.2021. godine pokrenut je postupak javne nabavke usluga održavanja AMLS sistema za sprečavanje pranja novca za potrebe Agencije, procijenjene vrijednosti 48.760,00 KM bez uračunatog PDV-a. Novčana sredstva za realizaciju navedene nabavke obezbijedena su u okviru budžetskih sredstava za 2021. godinu, na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period juli-septembar 2021. godine („Službeni glasnik BiH“, broj 44/21). Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 27.08.2021. godine do 13,00 sati, te da se ponude dostavljaju u zatvorenoj koverti, Komisija je dana 27.08.2021. godine u 14,00 sati izvršila javno otvaranje ponude prema datumu i vremenu prijema, numerišući kovertu te je konstatovala da je u ostavljenom roku pristigla jedna ponuda na Pisarnicu Agencije i to:

Blagovremeno je dostavljena jedna ponuda i to:

R.br	Broj protokola	Naziv ponuđača	Datum i sat prijema ponude
1.	16-12-16-5829-7/21	„PING“ d.o.o. Sarajevo	27.08.2021.g. u 09:47 h

Redni broj.	Naziv ponuđača	Vrijednost ponude (bez PDV-a)
1.	„PING“ d.o.o. Sarajevo	65.520,00 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđač „PING“ d.o.o. Sarajevo ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i tehničke i profesionalne sposobnosti. Takođe, Komisija je utvrdila da navedeni ponuđač ispunjava i formalno-pravne uslove postavljene u Konkurentskom zahtjevu.

Tačkom 8.2. Konkurentskog zahtjeva za postupak javne nabavke usluga održavanja AMLS sistema za sprečavanje pranja novca za potrebe Agencije, predviđeno je provođenje e-aukcije. Imajući u vidu da je zaprimljena jedna ponuda, e-aukcija nije provođena, u skladu sa članom 3. stav (3) Pravilnika.

Nakon pregledanja dokumentacije priložene uz dostavljenu ponudu Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene iz tačke 8.1. Konkurentskog zahtjeva, kako slijedi:

Redni broj	Naziv ponuđača	Vrijednost ponude (bez PDV-a)
1.	„PING“ d.o.o. Sarajevo	65.520,00 KM

Procijenjena vrijednost nabavke iznosi 48.760,00 KM bez uračunatog PDV-a, a vrijednost jedine ponude iznosi 65.520,00 KM bez uračunatog PDV-a, odnosno ista je za 16.760,00 KM veća od osiguranih sredstava za predmetnu nabavku.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se poništi postupak javne nabavke usluga održavanja AMLS sistema za sprečavanje pranja novca za potrebe Agencije, u skladu sa odredbom člana 69. stav (2) tačka e) Zakona, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđaču;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

